

Анатолий

Васильевич

КРАСНОВ

18 ИЮЛЬШТО Россий Федерацияысе культурын заслуженный пашаенже, философий наука кандидат, Марий государственный университетыа доцентше, философий ден политологий кафедржым вуйлатыше Анатолий Васильевич Краснов вучыдымын колен. Кугу ученый, чулым мер пашаен, поро, шотан айдеме мемнан деч каен.

Анатолий Васильевич Краснов 1928 ий 2 сентябрьше Морко районысо Йошкар Эгер ялеш шочын. Шымияш школым тунем лекмек, 1943 ий май гыч Коркатово лудмо пörтым вуйлатышылан. «Йошкар Эгер» колхозын счетоводшылан, ВЛКСМ Согнур райкомын инструкторжылан, учег секторжым вуйлатышылан ыштен. 1947—1950 ийлаште Марий республиканский культурно-просветительный училищыште, 1950—1954 ийлаште Московский государственный библиотечный институтышто тунемын.

Институтым пытарыме деч вара А. В. Краснов Марий республиканский культпросветшколышто преподавательлан, партий Йошкар-Ола горкомышто инструкторлан, КПСС Марий обкомышто инструкторлан, отделым вуйлатышын заместительжылан ыштен. КПСС ЦК пеленсе Общественный Наука академийыште тунем.



1966 ий август гыч 1974 ий сентябрь марте Марий республикын культура министржылан ыштен. 1974 ийыште тудо Марий государственный университетыше преподаватель пашажке куснен. 1975 ий июль гыч пытартыш кечылаж марте философий кафедржым вуйлатен.

1967—1975 ийлаште А. В. Краснов Марий АССР

Верховный Советын депутатше лийын. Тудо кугу научно-педагогический да научно шымлыме пашам шуктен толын, литературный творчествоште вийжым терген. Тудо шудö утла научный пашам, тидын шотыштак коло утла монографий ден брошюрым савыктен. Ятыр пашажке лекшан ул-ыт.

Тудын заслугжым «Знак Почета» орден, медаль-влак, Марий АССР Верховный Совет Президиумын Почетный грамотыж-влак дене палемдыме. Тудлан «РСФСР-ысе культурын заслуженный пашаенже» күкшö лумым пуймо.

А. В. Краснов скромностьшо, айдемым йöратымыж дене ойыртемаптын, республикысе калык коллаште кугу авторитетым налын. Тудым студент, преподаватель, ученый-влак йöра-теныт. Тудын дек кагашым да польшым йодын толыныт да эреак поро ващмутым налыныт. Тудо молодежы-нын, творческий интеллигенцийын поро наставникше лийын.

Анатолий Васильевич шкеж нерген поро волгыдо шарнымашым мемнан шумешна эрелан коден.

В. Зотин, Ю. Минаков, В. Галавтеев, А. Зенкин, А. Смирнов, Н. Рыбаков, Л. Соколова, Е. Васильев, В. Глушков, В. Ившин, В. Николаев, Н. Свицов, Ю. Смирнов, Е. Токтаулов, И. Хлебников, Е. Эпин.